



ՀԱՅԱՍՏԱՆԻ ԱՋԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆ

Հաստատված է
ՀԱԱՀ գիտական խորհրդի կողմից

29. օգոստոսի 2024
առջ. թիվ 13

Վավերացնում եմ
ՀԱԱՀ ռեկտորի պարտականությունները կատարող

Կ. Զաքոյան Հ. Զաքոյան
29. 08 2024

ՀԱՅԱՍՏԱՆԻ ԱՋԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ «ՄԻՋԱՋԳԱՅՆԱՑՈՒՄԸ ՏԱՆԸ» ՔԱՂԱՔԱԿԱՆՈՒԹՅՈՒՆԸ 2024-2029

ԵՐԵՎԱՆ 2024

*Հայեցակարգ՝ «Միջազգայնացում բոլորի համար, անձնականից մինչև
ինստիտուցիոնալ կարողությունների զարգացում»*

Հայաստանի ազգային ագրարային համալսարանը (ՀԱԱՀ), հանդիսանալով ագրոպարենային համակարգի մասնագետների պատրաստման և ոլորտի մասնագետների վերապատրաստման միակ բարձրագույն կրթության կենտրոնը հանրապետությունում, հիմք ընդունելով.

- ՀԱԱՀ առաքելությունն ու ռազմավարական ծրագիրը,
- Հայաստանի Հանրապետության կրթության մինչև 2030 թվականի զարգացման պետական ծրագիրը,
- ՀՀ կրթական համակարգում նախատեսվող փոփոխությունները,
- միջազգային կրթական համակարգի զարգացման տենդենցներն ու ուղղությունները,
- միջազգային դրամաշնորհային կառույցների կողմից ներկայացվող առաջնահերթությունները,

միջազգային կրթական և հետազոտական բաղադրիչների խթանման, զարգացման և կայունության ապահովման համար ՀԱԱՀ-ն որդեգրում է «միջազգայնացումը տանը» (US) քաղաքականությունը և նպատակ դնում այն զարգացնել Համալսարանում:

Նախադրյալներ և պատճառներ

Եվրոպական կրթական տարածքում դեռ երկու տասնամյակից ավել կիրառվում է «միջազգայնացում տանը» հայեցակարգն ու այդ ընթացքում եվրոպական տարբեր համալսարաններ սկսել են կիրառել այդ բաղադրիչն իրենց համալսարանների միջազգայնացման համատեքստում, սակայն այն դեռևս զարգացած չէ ՀԱԱՀ-ում՝ չնայած առկա տարբեր միջազգային նախագծերին և բազմաթիվ շարժունության գործընթացներին: Այս բաղադրիչի ապահովման համար անհրաժեշտ են որոշակի նախադրյալներ. կրթության որակ, միջազգային չափանիշներին համապատասխանող կրթական ծրագրեր, միջազգային շարժունության, օտար լեզվի իմացության համապատասխան մակարդակ, կրթական և հետազոտական ստորաբաժանումների հետևողականություն՝ միջազգային փոխանակումների մասնակցած անձանց կողմից ձեռքբերված միջազգային փորձի տարածման և ներդրման առումով:

US-ն բնութագրվում է որպես «...միջազգային և միջմշակութային ուղղությունների/բաղադրիչների նպատակային ներառում տվյալ համալսարանական միջավայրում սովորող ուսանողների ֆորմալ և ոչ ֆորմալ

կրթական ծրագրերում...» («...the purposeful integration of international and intercultural dimensions into the formal and informal curriculum for all students within domestic learning environments», Beelen & Jones, 2015):

ՄՏ-ի իրականացման կարևոր նախադրյալներն ու քայլերն են՝

1. Կրթական ծրագրերում գլոբալ հեռանկարների ներառում բոլոր ուսանողների համար, անկախ նրանից՝ սովորում են արտերկրում, թե միայն հարազատ բուհում:
2. Կիրառել համապարփակ մոդել, որի շնորհիվ բոլոր ուսանողները կկարողանան առավելագույնս ներգրավվել գլոբալ, միջազգային և միջմշակութային ուսուցման գործընթացում:
3. Ֆորմալ և ոչ ֆորմալ կրթական ծրագրերում ներառել միջազգային և միջմշակութային կարողությունների զարգացման բաղադրիչներ և վերջնարդյունքներ:
4. ՄՏ-ն սովորողակենտրոն է և նպատակաուղղված է կրթական միջավայրում մշակութային բազմազանության և ներառական կրթության զարգացմանը:
5. ՄՏ-ն ներգրավում է ոչ միայն միջազգային փորձ ունեցող ուսանողներին և աշխատակիցներին, այլև բոլոր ներքին շահակիցներին, քանի որ նպատակը միջազգային փորձի ներդրումն է համալսարանական միջավայրում:
6. ՄՏ-ի բաղադրիչների կիրառումը կարող է իրականացվել մայրենի լեզվով, դրանով ապահովելով օտար լեզու չիմացողների «միջազգայնացմանը տանը»:
7. ՄՏ-ն խթանում է վիրտուալ/առցանց հաղորդակցությունը և գործունեությունը տարբեր կրթական հաստատությունների միջև:
8. Հաշվի առնելով, որ գլոբալ ուսուցումը նաև ենթադրում է երկխոսություն և նպաստում է տարբերությունների, անհավասարությունների ըմբռնմանը, համալսարանում բացել ինտեգրմանն ուղղված տարածքներ բոլոր ուսանողների համար:
9. Նախագծել «ընկեր» ("buddy") կամ «բարեկամ» ծրագրերը, որոնք օգնում են արտասահմանյան ուսանողներին հարմարավետ զգալ տարբեր ազգերի ուսանողների միջավայրում: Համաշխարհային և ներառական ուսուցման համայնքի զարգացման համար կարևոր է գիտակցել, որ օտարազգի ուսանողին անհրաժեշտ է հարմարավետ զգալ ինչպես իր, այնպես էլ օտար ազգերի ներկայացուցիչների հետ:
10. Միջազգային բուհերում սովորած ուսանողներին կամ վերապատրաստված անձնակազմին հանձնարարել ուսումնասիրել տվյալ երկրի մշակույթը և սովորությունները և կիրառել դրանք ՀԱԱՀ-ում՝ օտարազգի գործընկերներ կամ ուսանողներ ընդունելիս:

11. Ուսանողների կարիքները հոգալու համար թարգմանել ցուցանակները, տեղեկատվական թերթիկները, ձեռնարկները մի քանի օտար լեզուներով և ընդունել աշխատանքի օտար լեզուների իմացությամբ անձնակազմի, ովքեր կտրամադրեն ծառայություններ, ինչպիսիք են՝ ակադեմիական խորհրդատվությունը, կրկնուսուցումը, առողջապահական հարցերը և այլն:

Միջազգայնացումը տանը ռազմավարությունն իրականացնելու համար համալսարանի հիմնական նպատակներն են՝

1. Զինել բոլոր ուսանողներին գլոբալ կարողություններով և հմտություններով՝ անհրաժեշտ այսօրվա փոխկապակցված և բազմազան հասարակությանը:
2. Վերակազմակերպել ուսուցման գործընթացն այնպես, որ այն միտումնավոր խթանի միջմշակութային, միջազգային և գլոբալ ուսուցումը:
3. Կարևորել ուսումնական և արտալսարանային միջոցառումների փոխկապակցվածությունը՝ ապահովելով միջմշակութային, միջազգային և գլոբալ ուսուցման հնարավորությունների ներթափանցումը Համլսարանի մշակույթի և կառուցվածքի մեջ:
4. Օգնել ուսանողին հարմարավետ զգալ օտարազգի ուսանողների հետ:
5. Դիտարկել գլոբալ ուսուցման կարևորությունը, ինչպես դասախոսների և վարչական անձնակազմի, այնպես էլ ուսանողների համար, տարածել գլոբալ ուսուցման հայեցակարգը լսարաններից դուրս, ստեղծել գլոբալ ուսուցման համայնքներ և կապել ուսանողների միջազգային և տեղական միջմշակութային փորձը, (ուսումնառություն արտերկրում, միջազգային ծառայությունների ուսուցում, պրակտիկա և դաշտային/կլինիկական փորձառություններ) լսարանային ուսուցման հետ:

Միջազգայնացումը տանը ռազմավարությունն իրականացնելու համար համալսարանի հիմնական խնդիրներն են՝

1. Գիտակցել ներգնա միջազգային ուսանողների՝ ակադեմիական գրագիտության, պրակտիկայի, հմտությունների բացակայության և մշակույթին անձանոթ լինելու փաստը, որը խոչընդոտ է համալսարանում նոր ընկերներ, ակադեմիական և սոցիալական հմտություններ ձեռք բերելու հարցում:

2. Հաշվի առնել, որ թեև ներգնա միջազգային ուսանողները գիտակցում են միջմշակութային ինտեգրման առավելությունները, գործնականում նրանք սովորաբար խուսափում են դրանցից:

Ընդունել, որ միջազգային փորձ ունեցող ոչ բոլոր աշխատակիցներն ու ուսանողներն են պատրաստ սեփական փորձով կիսվել իրենց գործընկերների և այլ ուսանողների հետ, դրանով էապես խոչընդոտելով ինստիտուցիոնալ զարգացմանն ու միջազգայանցմանը:

Միջազգայնացումը տանը ռազմավարության առաջադրված խնդիրները լուծելով՝ համալսարանը՝

1. Արդյունավետ կերպով վերասահմանում է համալսարանը որպես միջավայր, որը նախագծված է միջմշակութային, միջազգային և գլոբալ ուսուցումը խթանելու համար:
2. Ուսումնական ծրագրերի միջազգայնացման միջոցով խրախուսում է մտածելակերպի և գործելաոճի նոր ձևեր, որոնք ուսանողներին տալիս են հմտություններ, գիտելիքներ և փորձ՝ գլոբալ նշանակության հարցերը հասկանալու և լուծելու համար:
3. Սահմանում է միջազգայնացումը կրթության համատեքստում՝ որպես ուսումնական պլանի փոփոխության մի մաս:
4. Միաձուլում է մասնագիտական նպատակներն ու վերլուծության միջոցները գլոբալ հեռանկարների, հմտությունների և գիտելիքների հետ:
5. Ներառում է միջմշակութային ուսուցման տարրեր, որոնք բոլոր ուսանողներին հնարավորություն են տալիս հաջողությամբ ինտեգրվել այլ մշակույթներին: